



REPUBLIKA E KOSOVËS
REPUBLIKA KOSOVA – REPUBLIC OF KOSOVO
KËSHILLI GJYQËSOR I KOSOVËS
SUDSKI SAVET KOSOVA - KOSOVO JUDICIAL COUNCIL

PANELI PËR LIRIM ME KUSHT-ODBOR ZA USLOVNI OTPUST-CONDITIONAL RELEASE PANEL

PLK. D. nr. 653/23

PANELI PËR LIRIM ME KUSHT, i përbërë nga Afrim Shala, kryesues i Panelit, Kadrije Goga Lubishtani dhe Argjira Asllani, anëtar të panelit, me pjesëmarrjen e Mersime Mehmeti, u.d. koordinatorë të panelit për lirim me kusht, duke vendosur përkitazi me kërkesën për lirim me kusht, të parashtruar nga i dënuari S. N., për shkak të veprës penale organizimi dhe pjesëmarrja në grup terrorist nga neni 143 par. 2 të KPRK-së, i gjykuar me dënim me burgim në kohëzgjatje prej 3 (tre) vite, 6 (gjashtë) muaj, me aktgjykimin e Gjykatës Themelore Prishtinë, PS.nr.50/2021, i datës 21.02.2022, i vërtetuar nga Gjykata e Apelit me aktgjykimin APS.nr.12/2022, i datës 22.04.2022, ndërsa Gjykata Supreme e Kosovës me aktgjykimin Pml.nr.229/2022, të datës 22.06.2022, ka refuzuar kërkesën e të dënuarit për mbrojtje të ligjshmërisë kundër aktgjykimit të shkallës së parë dhe të dytë, pas shqyrtimit të kërkesës për lirim me kusht, në pajtim me nenin 90 të Kodit Penal të Republikës së Kosovës (Kodi nr. 06-L-074), nenin 116, 117 dhe 118 par. 4 të Ligjit (08/ L-132) për Ekzekutimin e Sanksioneve Penale, dhe nenet 12, 13, 14, 18, 22, 25 par.1 pika 1.2 dhe nenin 33 të Rregullores së miratuar nga Këshilli Gjyqësor i Kosovës (Ref: KGJK, nr. 01/39) mbi Organizimin dhe Funksonimin e Panelit për Lirim me Kusht, në seancën e mbajtur me 07.12.2023, në selinë e Këshillit Gjyqësor të Kosovës në Prishtinë, mori këtë:

A K T V E N D I M

I. REFUZOHET kërkesa për lirimin me kusht e të dënuarit S. N. nga i ati S. dhe e ëma V., e gjinisë K., i lindur me datë ..., me vendbanim në fshatin L. e H., Komuna P., ku edhe e ka vendbanimin, shqiptar, shtetas i Republikës së Kosovës.

II. Kërkesa për lirimin me kusht i refuzohet për periudhën kohore prej 10 muaj, e njëjta mund të rishqyrtohet pas kalimit të këtij afati.

A r s y e t i m

Me aktgjykimin e Me aktgjykimin e Gjykatës Themelore Prishtinë, PS.nr.50/2021, i datës 21.02.2022, S. N. është shpall fajtor për shkak të veprës penale organizimi dhe pjesëmarrja në grup terrorist nga neni 143 par. 2 të KPRK-së, i gjykuar me dënim me burgim në kohëzgjatje prej 3 (tre)

vite, 6 (gjashtë) muaj, i vërtetuar nga i vërtetuar nga Gjykata e Apelit me aktgjykimin APS.nr.12/2022, i datës 22.04.2022, ndërsa Gjykata Supreme e Kosovës me aktgjykimin Pml.nr.229/2022, të datës 22.06.2022, ka refuzuar kërkesën e të dënuarit për mbrojtje të ligjshmërisë kundër aktgjykimit të shkallës së parë dhe të dytë.

I dënuari e ka parashtruar kërkesën për lirim me kusht përmes Institucionit të Qendrës Korrektuese ku është në vuajtje të dënimit me burg. Kërkesa për lirim me kusht është parashtruar me datën 30.10.2023, me të cilën është kërkuar që të lirohet me kusht, me arsyetimin se gjatë vuajtjes së dënimit, me sjelljet e tij është arritur risocializimi i tij dhe janë plotësuar të gjitha kushtet ligjore për lirimin e tij me kusht.

Paneli për lirim me kusht në seancën e mbajtur me datën 07.12.2023 pasi e shqyrtoi kërkesën e të dënuarit, dosjen e tij, raportin përmbledhës të përpiluar nga Ekipi Profesionist i Shërbimit Korrektues të Kosovës, Deklaratën-premtimin lidhur me mbikëqyrjen e të dënuarit pas lirimimit me kusht, ashtu siç është përcaktuar në nenin 116 të Ligjit mbi Ekzekutimin e Sanksioneve Penale nr.08/L-132, dhe pas vlerësimit të tërësishëm të çështjes gjeti se:

Kërkesa për lirim me kusht është e pabazuar.

Nga shkresat e çështjes, dosja e të dënuarit, rezulton se i njëjti është shpallur fajtor për shkak të veprës penale organizimi dhe pjesëmarrja në grup terrorist nga neni 143 par. 2 të KPRK-së.

Në raportin ligjor për të dënuarin vërtetohet se i dënuari lirim normal e ka me datën 17.01.2025, dhe nga llogaritja e dënimit për të dënuarin rezulton se gjer më tani i ka vuajtur 2 vite, 4 muaj, 20 ditë, ndërsa i kanë mbetur edhe 1 vit, 1 muaj, 10 ditë. Paneli gjatë shqyrtimit të dosjes i ka vlerësuar edhe raportet e tjerë të përpiluara nga Ekipi profesionist i Qendrës Korrektuese, në të cilat është konstatuar se i dënuari gjatë vuajtjes së dënimit ka treguar sjellje të mirë dhe ka përfunduar programe rehabilituese të organizuara nga Institucioni Korrektues. Sa i përket qëndrimit ndaj veprës penale i dënuari e pranon, duke deklaruar se arsyet kanë qenë për një jetë më të mirë dhe ku praktikohet feja. Nga të dhënat e raporteve rezulton se i dënuari ka qenë bashkëpunues me stafin që nga fillimi i vuajtjes së dënimit dhe se bënë pjesë në kategori me rrezik të lartë të rrezikshmërisë.

Gjatë shqyrtimit të kërkesës së të dënuarit për lirim me kusht, Paneli ka vlerësuar kushtet për lirim me kusht, të përcaktuara në Kodin Penal të Republikës së Kosovës, duke përfshirë kriteret e parashikuara në Rregulloren 01/39 mbi Organizimin dhe Funkcionimin e Panelit për lirim me kusht. Kriteret përfshijnë: peshën e krimit, historinë e kaluar kriminale, përshkrimin e personit të dënuar për krimin, qëndrimin ndaj viktimës, sjelljen gjatë burgimit, gjendjen psikiatrike dhe psikologjike, gjendjen fizike, historinë sociale, planet pas lirimimit, pranimin e kontrollit dhe ndihmën nga Shërbimi Sprovues, ekzistencën e një rreziku të përgjithshëm për publikun, dhe perspektivën e një personi të dënuar me origjinë të huaj për të kthyer në shtëpi.

Paneli, pas shqyrtimit të kërkesës, vlerësimit të gjitha kushteve dhe kriterëve si më lartë, konstatoi se procesi i risocializimit ende nuk është i plotë, duke marr parasysh peshën e veprës penale të kryera nga i dënuari, ngase pesha e krimit është një tregues i nevojës për të mbrojtur shoqërinë përmes parandalimit të kryerjes se veprave tilla apo të ngjashme penale, si dhe nivelin e rrezikshmërisë së konstatuar, andaj bazuar në këto konstatime, Paneli vlerëson se qëllimi i

ekzekutimit të sanksionit penal, sipas dispozitave të nenit 38 të Kodit Penal të Republikës së Kosovës dhe nenit 5 dhe 6 të Ligjit për Ekzekutimin e Sanksioneve Penale, nuk është arritur, andaj kërkesa e personit të dënuar është refuzuar për një periudhë kohore prej 10 muajve dhe mund të rishqyrtohet pas kalimit të këtij afati.

Nga sa u tha më lartë, në zbatim të nenit 25 pika 1.2 të Rregullores nr. 01/39 të Këshillit Gjyqësor të Kosovës, u vendos si në dispozitiv të këtij aktvendimi.

**PANELI PËR LIRIM ME KUSHT
PLK. D. nr. 653/23, datë 07.12.2023**

U.d. Koordinatore e Panelit

Mersime Mehmeti

Kryesues i Panelit

Afrim Shala

Këshilla Juridike: Kundër këtij aktvendimi, në kuptim të nenit 117 par. 16 të Ligjit Nr. 08/L-132 për Ekzekutimin e Sanksioneve Penale, nuk është e lejuar ankesa.